



جدوال قمبراچان خطبه جمعة

Siri 11/ 2022

(Bulan November Tahun 2022)

تاریخ	تاجوق	ب
4.11.2022M/ 9 Rabi'ulakhir 1444H	کړهان: انتارا فریځان دان کبسن الهي	1.
11.11.2022M/ 16 Rabi'ulakhir 1444H	سوامي براخلاق، سوامي ایدامن	2.
18.11.2022M/ 23 Rabi'ulakhir 1444H	نصیحت دري منبر	3.
25.11.2022M/ 30 Rabi'ulakhir 1444H	فقیر تافي سومبوغ، اکوکه ایت؟	4.
خطبه کدوا		

فرچیتقن دبیایای:



تلیفون :

04-5498088



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



گرهان: انتارا قريعتان دان كبسرن الهي

﴿تيك س خطبة خاص گرهان 1444هـ﴾

(4 November 2022M / 9 Rabi'ulakhir 1444H)

الْحَمْدُ لِلَّهِ الْقَائِلِ،

وَجَعَلْنَا اللَّيْلَ وَالنَّهَارَ عَآيَتَيْنِ فَمَحَوْنَا عَآيَةَ اللَّيْلِ وَجَعَلْنَا عَآيَةَ النَّهَارِ مُبْصِرَةً لِّتَبْتَغُوا فَضْلًا مِّن رَّبِّكُمْ وَلِتَعْلَمُوا عَدَدَ السِّنِينَ وَالْحِسَابَ وَكُلُّ شَيْءٍ فَصْلَنَاهُ تَفْصِيلًا ﴿١٣﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ، الصَّادِقُ الْوَعْدِ الْأَمِينُ.
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ! أَوْصِيَكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

SIDANG JUMAAT YANG DIKASIHI ALLAH,

Marilah kita bersama-sama meningkatkan ketakwaan kepada Allah dengan melakukan suruhan dan meninggalkan larangan-Nya, semoga kita beroleh keredhaan Allah di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja dan



bermain telefon bimbit. Mimbar akan membicarakan khutbah bertajuk: **“Gerhana: Antara Peringatan dan Kebesaran Ilahi.”**

HADIRIN SEKALIAN,

Saban tahun kita diperlihatkan kuasa Allah **سُبْحَانَهُ وَتَعَالَى** yang Maha Agung iaitu fenomena gerhana bulan dan gerhana matahari. Gerhana bulan terjadi apabila bumi berada tepat di tengah-tengah jajaran antara matahari dan bulan. Fenomena ini hanya boleh berlaku ketika fasa bulan purnama.

Ketika gerhana bulan berlaku, cahaya bulan akan berubah menjadi kemerahan secara perlahan-lahan sehingga bulan melepasi bayang bumi. Dan peredaran ini hanya berlaku pada suatu masa yang tertentu. Firman Allah **سُبْحَانَهُ وَتَعَالَى** dalam surah Yaasin ayat 39:

وَالْقَمَرَ قَدَرْنَاهُ مَنَازِلَ حَتَّىٰ عَادَ كَالْعُرْجُونِ الْقَدِيمِ ﴿٣٩﴾

Maksudnya: *“Dan bulan pula Kami takdirkan ia beredar melalui beberapa peringkat, sehingga di akhir peredarannya kelihatan kembalinya pula ke peringkat awalnya (berbentuk melengkung) seperti tandan yang kering.”*

Fenomena gerhana matahari pula terjadi apabila bulan berada di tengah-tengah jajaran antara matahari dan bumi. Lalu, bulan akan melitupi cahaya matahari dan menghalanginya dari sampai ke kawasan-kawasan tertentu di permukaan bumi dalam tempoh tertentu. Fenomena ini hanya boleh berlaku ketika fasa bulan baru.

Fenomena gerhana matahari atau bulan bukanlah suatu tanda akan terjadinya kejadian yang aneh dan mengkhawatirkan seperti mana fahaman masyarakat jahiliah satu ketika dahulu, tetapi gerhana berlaku semata-mata dengan kuasa dan kehendak Allah **سُبْحَانَهُ وَتَعَالَى**.

Para pengkaji sejarah dan falak merekodkan sekurang-kurangnya 5 kali gerhana bulan dan gerhana matahari berlaku pada zaman Rasulullah ﷺ iaitu:

- (1) 2 kali gerhana bulan pada bulan Jamadil Akhir dan Zulhijjah tahun ke- 4 Hijri
- (2) 3 kali gerhana matahari pada bulan Zulkaedah tahun ke- 5 Hijri, Jamadil Awwal tahun ke- 7 Hijri, dan Syawal tahun ke- 10 Hijri.

Antara yang masyhur dan diriwayatkan dalam hadis ialah gerhana matahari yang berlaku pada 28 Syawal tahun ke- 10 Hijri iaitu hari yang sama dengan kematian Ibrahim bin Muhammad, putera Baginda. Ketika sebahagian manusia menghubungkan gerhana itu dengan kematian Ibrahim, Rasulullah ﷺ menggunakan peluang itu untuk meluruskan akidah umat Islam dan sangkaan yang salah. Daripada 'Aisyah رَضِيَ اللَّهُ عَنْهَا, Rasulullah ﷺ telah bersabda:

إِنَّ الشَّمْسَ وَالْقَمَرَ آيَتَانِ مِنْ آيَاتِ اللَّهِ لَا يَخْسِفَانِ لِمَوْتِ أَحَدٍ وَلَا لِحَيَاتِهِ

Maksudnya: “Bahawasanya matahari dan bulan itu dua tanda daripada segala tanda-tanda yang menunjukkan keesaan dan kekuasaan Allah ﷻ, tiada gerhana keduanya kerana mati seseorang atau hidupnya.”

(Hadis Riwayat Al Bukhari dan Muslim)

SIDANG JEMAAH YANG DIRAHMATI ALLAH,

Setiap perubahan yang berlaku terhadap objek *samawi* mengandungi hikmah yang tersendiri termasuklah perubahan yang berlaku kepada matahari dan bulan. Antaranya fenomena ini merupakan manifestasi kebesaran Allah ﷻ di samping memperingatkan kita kepada hari kiamat yang tidak diragui akan kedatangannya.

Oleh itu sebagai umat Islam, mimbar menyeru marilah sama-sama kita memperteguhkan keyakinan kita bahawa hari kiamat yang kita imani akan pasti

berlaku bila sampai masanya. Dan masa itu semakin hari semakin hampir dengan kita. Justeru, Marilah kita tinggalkan segala perbuatan yang dimurkai Allah **سُبْحَانَهُ وَتَعَالَى** dan memohon kepada-Nya agar kita dilindungi daripada azab hari tersebut dengan berkat syafaat Nabi kita **صَلَّى اللَّهُ عَلَيْهِ وَسَلَّمَ**.

SIDANG JEMAAH YANG DIRAHMATI ALLAH,

Hakikatnya gerhana yang terjadi merupakan satu fenomena sains yang boleh dibuktikan menerusi data dan fakta. Ilmuan falak silam telah mempelopori kaedah menghitung masa dan tarikh gerhana. Dengan perkembangan teknologi masa kini, fenomena gerhana juga telah dapat diramal dan dijangka lebih awal. Justeru, fenomena gerhana ini merupakan salah satu bukti kekuasaan dan kebesaran Allah **سُبْحَانَهُ وَتَعَالَى** yang mentadbir alam ini dengan sempurna. Sabda Nabi **صَلَّى اللَّهُ عَلَيْهِ وَسَلَّمَ**:

**إِنَّ الشَّمْسَ وَالْقَمَرَ آيَتَانِ مِنْ آيَاتِ اللَّهِ، لَا يَخْسِفَانِ لِمَوْتِ أَحَدٍ وَلَا لِحَيَاتِهِ،
فَإِذَا رَأَيْتُمُ ذَلِكَ، فَادْعُوا اللَّهَ، وَكَبِّرُوا وَصَلُّوا وَتَصَدَّقُوا**

Maksudnya: “*Sesungguhnya matahari dan bulan itu ialah dua tanda daripada tanda-tanda kekuasaan Allah, tidaklah gerhana keduanya kerana matinya seseorang dan tidak pula kerana hidupnya, jika kalian melihat gerhana, maka berdoalah kepada Allah, bertakbir, laksanakanlah solat dan bersedekahlah.*”

(Hadis Riwayat Imam Al Bukhari)

HADIRIN SEKALIAN,

Mengakhiri khutbah, mimbar mengharapkan kejadian gerhana bulan ini akan menimbulkan keinsafan, kesedaran, menambah serta menguatkan lagi keimanan dan ketakwaan kita kepada Allah **سُبْحَانَهُ وَتَعَالَى**. Sebagai usaha untuk melahirkan keteguhan dan mengekalkan kekuatan iman yang ada dalam diri umat Islam, mimbar menggariskan beberapa nasihat untuk dijadikan pedoman antaranya:

Pertama: Berfikir dan bertafakkur terhadap setiap kejadian fenomena alam.

Kedua: Memperingati tentang nikmat syurga dan azab neraka.

Ketiga: Menjauhkan diri daripada lalai dan lupa kepada Pencipta iaitu Allah
سُبْحَانَهُ وَتَعَالَى.

Keempat: Menghitung, mempertingkatkan dan memperkemaskan amal kebajikan sepanjang masa.

Kelima: Segera bertaubat kepada Allah سُبْحَانَهُ وَتَعَالَى di atas kealpaan dan keenggaran mentaati perintah-Nya.

Firman Allah dalam surah Fussilat ayat 37:

وَمِنْ ءَايَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا لِلْقَمَرِ وَاسْجُدُوا لِلَّهِ
الَّذِي خَلَقَهُنَّ إِن كُنتُمْ إِيَّاهُ تَعْبُدُونَ ﴿٣٧﴾

Maksudnya: “Dan di antara tanda-tanda kekuasaan-Nya ialah malam dan siang, serta matahari dan bulan. Janganlah kamu sujud kepada matahari dan janganlah pula sujud kepada bulan dan sebaliknya hendaklah kamu sujud kepada Allah yang menciptakannya, kalau betul-betul kamu hanya beribadat kepada Allah.”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي
هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ
اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ
الْعَفُورُ الرَّحِيمُ.



خطبة كدوا بولن نوفمبر

2022M/ 1444H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُجَّتِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ ااعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni



Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَن بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Bersama-sama kita sumbangkan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan. Semoga infaq yang dihulurkan menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat

menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾